

SCANNALI

La Palummedda, al lu so' primu amuri
c'un Palummeddu, supra la 'mpinnata
si dunanu la so' prima vasata,
sutta lu Celu di belli culuri.

... E, pi li timpi, ridinu li ciuri
e la 'nuccenti coppia 'nnammurata.
Nun trema fogghia, nun passa rumuri,
lu stissu Ventu li guarda e nun ciata...

Tutt'a 'na vota sbommica 'na vuci:
- "N'aviti riligioni, sbrivugnati?
Sciatari e matri, mi fazzu la cruci...

Chi smorfi! chi carizzi! chi vasati!
... Vi vi che civittuna, vi chi boia!
cadi la facci 'nterra! – Era la Troia.

Vanni Pucci